

## ZAPISNIK

### sa 17. sastanka Privrednog savjeta Grada Zenica

održanog 12.02.2020. godine u maloj sali Grada Zenica (II sprat), Trg BiH br. 6., Zenica, sa početkom u 14,00 sati.

Sastanku su prisustvovali:

1. Predsjedavajući Privrednog savjeta, gradonačelnik Fuad Kasumović;
2. Amra Mehmedić, pomoćnica Gradonačelnika za privredu i upravljanje razvojem;
3. Sabira Helvida, pomoćnica Gradonačelnika za ekologiju, komunalne i inspeksijske poslove;
4. Mirsad Heleg, savjetnik gradonačelnika za prostorno uređenje;
5. Senad Pašalić, direktor Zeničke razvojne agencije ZEDA d.o.o. Zenica;
6. Zastupnik Ekrem Oruča, vlasnika/direktora Ekor d.o.o Zenica;
7. Fahrudin Šahmanija, direktor „Femettal“ d.o.o. Zenica;
8. Edin Šarić, Savez izviđača grada Zenica;
9. Jasmin Baručija, direktor Glovis d.o.o. Zenica;
10. Senad Džanić, Club 072-Zenica;
11. Vukica Marjanović-Suljić, Predstavnik udruženja (advokat);
12. Vladimir Franjić, vlasnik Meridijan d.o.o Zenica/Udruženje poslodavaca Grada Zenica;
13. Senaida Turkić, Aksa d.o.o. Zenica/Udruženje poslodavaca Zenica;
14. Mladen Perić, Pero d.o.o. Zenica/Udruženje poslodavaca Zenica;
15. Jusuf Kravić, Direktor „Ze-Steel“ d.o.o. Zenica;
16. Sumea Mujkanović, pomoćnik Gradonačelnika za boračko-invalidsku i socijalnu zaštitu, stambene poslove i društvene djelatnosti;
17. Jusuf Brkić, Služba za privredu i upravljanje razvojem.

Sastanku nisu prisustvovali:

1. Biju Nair, Generalni Direktor Arcelor Mittal Zenica;
2. Damir Begić, Almy d.o.o. Zenica;
3. Ismet Begić, vlasnik Almy d.o.o. Zenica/član Udruženja poslodavaca Grada Zenica.

Gradonačelnik gđin. Fuad Kasumović je pozdravio prisutne, zahvalio se na odzivu.

Konstatovano je da postoji kvorum, da se 17. sastanak Privrednog savjeta (PS) može održati.

Prije početka sastanka PS i otvaranja dnevnog reda, Gradonačelnik je upoznao prisutne sa nekoliko informacija o aktivnostima koje provodi Gradska uprava.

Gradonačelnik je kazao da se radi na aktivnostima izrade idejnog rješenja uspostave „žičare“, dužine 4-5 km u pravcu Smetova, a plan je da se projekat izvede po principu „ključ u ruke“, dopunivši svoje izlaganje da je Grad u situaciji da se može kreditno zadužiti ukoliko se ne pojave potencijalni investitori. Kazao je da se provode aktivnosti na izradi Regulacionog plana „Smetovi“.

Upoznao je prisutne da je JP Zenicatrans d.d. Zenica u veoma teškoj situaciji i da će vjerovatno ići u stečaj te iskoristio priliku da pozove sve privrednike da prijave svoja potraživanja ukoliko imaju od JP Zenicatransa d.d. Zenica.

Gradonačelnik je naglasio da ne želi da Grad Zenica finansira kantonalne projekte i da je to jedan od razloga zašto parlamentarna većina u Gradskom vijeću ne želi usvojiti Budžet Grada Zenica za 2020. godinu.

Pozvao je članove Privrednog savjeta da se po ovom pitanju oglase, pitajući ih da li zaista Grad Zenica treba izdvojiti sredstva od 3 mil. za JP Zenicatrans d.d. Zenica i finansirati kantonalne projekte koje su tražili gradski vijećnici kroz uložene amandmane.

Gdin. Mladen Perić je upitao da li se amandmani odnosi na spomenike, kantonalne puteve, o čemu se veoma malo zna u javnosti i zašto se nije išlo putem medija da se bolje upozna javnost o amandmanima koji se traži.

Gradonačelnik je kazao da su svi amandmani javno pročitani na samoj sjednici Gradskog vijeća.

Gđa Senaida Turkić je sugerisala da se ovakvi problemi trebaju raditi na pravi način, da članovi Privrednog savjeta i privrednici trebaju imati na vrijeme određene informacije prije objavljivanja u medijima i javnosti, te da je potrebno da se oko ovakvih stvari Udruženje poslodavaca oglasi putem Gradskog vijeća. Dodala je da je neophodno zatražiti jasno obrazloženje od strane gradskih vijećnika za odbijanje konkretnih prijedloga rješenja koja se predlažu, a tiču se prvenstveno privrede. Također, da vijećnici jasno kažu zašto odbijaju svaki prijedlog regulacionog plana bez utemeljenog razloga, već samo nastupaju politički.

Gradonačelnik je istakao da nije htio nikoga da animira za reakcijama te prirode obzirom da bi svi rekli da udruženja poslodavaca i nevladine organizacije rade po instrukcijama Gradonačelnika.

Ponovo je pozvao sve privrednike da predlože dobre ideje i rješenja za probleme s kojima se Grad Zenica suočava, kako bi se zajednički i sistemski pristupilo rješavanju istih.

Nakon obraćanja, Gradonačelnik je zamolio gđu Amru Mehmedić, pomoćnicu za Privredu i upravljanje razvojem da prisutne upozna sa predloženim dnevom redom za 17. sastanak PS te da moderira sjednicom.

Amra je pozdravila prisutne te upozнала sa predloženim dnevnim redom, kako slijedi:

**Dnevni red za sjednicu 17. sastanka PS je slijedeći:**

1. Usvajanje zapisnika sa 16. sastanka Privrednog savjeta Grada Zenica
2. Zaduženja sa 16. sjednice Privrednog savjeta
3. Organizacija Čimburijade – inicijativa Foruma Građana Zenice
4. Fondacija Mozaik
5. Informacija o Poslovnoj zoni Zenica 1
  - a) Infrastrukturni projekti za 2020 godinu
6. Informacija o realizovanoj subvencioniranoj kreditnoj liniji za 2019. Godinu
7. Informacija o realizaciji Programa mjera za unapređenje privrede za 2019. Godinu
8. Anketiranje Start-up firmi
9. Program mjera za unapređenje privrede za 2020. Godinu
10. Razno

Prisutni su jednoglasno usvojili predloženi dnevni red.

**Ad.1.** Obzirom da niko nije imao primjedbi na Zapisnik sa 16. sastanka Privrednog savjeta Grada Zenica, isti je usvojen jednoglasno.

**Ad.2.** Amra je upoznala prisutne o temama, zaključcima i zaduženjima s 16. sastanka PS.

Jedan od zaključaka je bio da gđin. Senad Pašalić, direktor Zeničke razvojne agencije Zeda zatraži od vlasnika parcela u Poslovnoj zoni Zenici 1 a koji imaju u C teretnom listu zabranu raspolaganja imovinom bez saglasnosti Gradskog vijeća, pribavi zajedničku molbu svih vlasnika a koja bi se putem Agencije Zeda uputila prema Službi za imovinsko-pravne, geodetske poslove i katastar nekretnina Grada Zenica na daljnje postupanje kako bi ista bila upućena Gradskom vijeću sa prijedlogom rješenjem za postojeći problem.

Gđin. Pašalić je postupio po zaključku te dostavio zajedničku molbu koja je upućena na Gradsko vijeće na usvajanje, međutim ista nije podržana od strane parlamentarne većine vijećnika.

Na 16. sastanku PS diskutovalo se o mjerama podrške razvoju privrede i podrške privrednicima za 2020. godinu sa akcentom Gradonačelnika da ukoliko bude potrebno i više sredstava od planiranih u budžetu da će Grad Zenica naći način da se ista povećaju kroz rebalans ili Budžet za 2021. godinu sciljcem da se dodatno osnaži privredni sektor.

Jedna od tema je bila da se u Budžetu Grad Zenica osigura više sredstava za izradu planske i tehničke dokumentacije kako bi Grad spreman mogao odgovoriti zahtjevima potencijalnih investitora.

U vezi teme „Smetovi“ govorilo se o tome da se treba pristupiti izradi Regulacionog plana „Smetovi“, izgradnji komunalne infrastrukture (vodovoda, kanalizacije i sl.), s posebnim ciljem animiranja interesa potencijalnih investitora za ulaganjima na području Smetova.

Također, prisutni su upoznati o tome da Grad Zenica redovno prati javne pozive viših nivoa vlasti te da aplicira za izradu tehničke dokumentacije, izgradnju komunalne infrastrukture u Poslovnoj zoni Zenica 1. Nadalje, prisutni su upoznati da se završavaju radovi na faza III i faza IV u PZZ1, a koji podrazumijevaju izgradnju nove kanalizacione i vodovodne mreže. Pored navedenog, kazano je da su formirane nove parcele u Poslovnoj Zoni Zenica 1 i da su spremne za prodaju .

Izrada Strategije za MSP za područje Grada Zenica s jasnim smjernicama za budući razvoj malih i srednjih preduzeća bila je predmet PS. Data je podrška da se nastavi na ovim aktivnostima.

Prisutni su informisani da Agencija Zeda provodi projekat - adaptacije i stavljanje u upotrebu starog objekta (bivše zgrada Željezare – zgrada kontrole tehnike) u svrhu osiguranja 30-ak novih inkubator poslovnog kako bi i sti bio dostupan prvenstveno start up firmama.

Članovi PS su informisani da je korisnicima zimskih bašti odobreno plaćanje u dvije rate, međutim čeka se izradu i usvajanje Plana korištenja javnih površina za 2020. godinu nakon čega bi usvojeni zaključak bi primjenjiv.

Kada su u pitanju korisnici kioska, molba je bila da se produži korištenje istih na dodatne dvije godine dok se ne izradi plan i potrebni elaborati o načinu i namjeni postavljanja kioska. Zaključak o produženju na dodatne dvije godine podržan je od strane Gradske uprave i Privrednog savjeta te se isti uputio na usvajanje Gradskom vijeću od kojeg je podržan.

Također, prisutni su upoznati o osnivanju Start-up community-a koji ima za cilj da se mentorski pomogne start up firmama kako bi prevazišle početničke prepreke i postale samostalne na tržištu. Shodno tome, Služba za privredu i upravljanje razvojem redovno prati sve start up firme koje su prethodnom periodu osnovane aplicirajući na Javne pozive koje raspisuje Grad Zenica.

Između ostalog, prisutni su upoznati da je Grad Zenica ponovo ušao u proces BFC recertifikacije.

Jedan od posljednjih **zaključaka** je bio da se događaj „Čimburijada“ stavi na jedan od sljedećih sastanaka PS.

**Zaključak:** Informacija o zaključcima s 16. Sastanka PS primljena k znanju.

### **Ad.3. Organizacija Čimburijade – inicijativa Foruma Građana Zenice (FGZ)**

Za ovu tačku dnevnog reda, Forum građana Zenica je uputio inicijativu „KONCEPT ZENIČKE ČIMBURIJADE“ sa prijedlozima organizovanja ovog događaja.

Za riječ se javio gđin Vladimir Franjić, zahvalio se što se ponovo našla ova tema na dnevnom redu, obzirom da ne postoji adekvatno rješenje u praksi organizovanja ovog događaja, u kratkim crtama pojasnio inicijativu te ponovo podstakeo prisutne da se diskutuje o njoj.

Franjić je predložio da se formira radna grupa za izradu prijedloga rješenja da se zna šta će biti Čimburijada, da se planiraju sredstva u Budžetu Grada Zenica i da se Čimburijada proglasi kao „nematerijalno kulturno dobro“

Franjić je tražio da se Gradska uprava opredjeli za ovaj događaj, da li joj je važan ili ne.

Gđa. Sabira Helvida je pojasnila da je ovo tradicionalni spontani događaj, da ne postoji nikakava regulativa koja ga propisuje niti ga stavlja u povoljniji položaj u odnosu na druge događaje u gradu Zenica. Ona je naglasila da inspekcije na terenu postupaju kao i prema svakom događaju ukoliko uoče nepravilnosti u skladu s Odlukom o komunalnom redu.

Amra je upitala ko će biti nosilac i organizator s obzirom da Grad Zenica ne može preuzeti organizaciju ovog događaja.

Mladen Perić je kazao da je za ovaj događaj neophodno izraditi projekat, ako je potrebno brendirati ga i kroz javni poziv odabrati organizatora koji bi preuzeo cijelokupnu organizaciju. Kazao je da je neophodno da se zna ko i šta radi, ko su ciljne grupe i šta i kako se smije postupati na dan Čimburijade.

Franjić je stava da Forum građana Zenice može biti samo jedan od pratećih subjekata, a nikako sam organizator.

Perić i Turkić su predložili da se izradi projekat brendiranja ovog događaja i da se sistemski trebaju rješavati stvari. Dodali su da se Forum građana Zenica ili neka druga NVO prijavi sa projektom u martu-aprilu 2020. godine na javni poziv za nevladine orgnaizacije koji raspisuje Grad Zenica, kako bi dobili određena sredstva za izradu projekta, tj. brendiranje Čimburijade.

Franjić je istakao da se ne slaže s prijedlogom brendiranja obzirom da će na taj način Čimburijada postati komercijalizovana.

Gđa. Sumeja Mujkanović je podsjetila prisutne da se godinu dana ranije razgovaralo o ovoj temi, te ponovila ranije stavove službe kojom upravlja:

- Služba mora znati ko je glavni i odgovorni organizator Čimburijade;
- Služba ne može preuzeti sama na sebe ovaj događaj;
- Služba može dati određenu finansijsku podršku, ali mora znati ko je organizator, ko preuzima odgovornost za aktivnosti Čimburijade;
- Službi prilikom izrade budžeta Grada Zenica je neophodna informacija kolika su sredstva što se traže za ovaj događaj kako bi se mogla planirati u Budžetu Grada Zenica;
- Služba za 2020. Godinu nema planirana sredstva u Budžetu Grada Zenica osim da se aplicira kroz javne pozive za NVO.

#### **Zaključci:**

*Nakon diskusije i razmatranja prijedloga Foruma građana Zenice, nije usaglašen jedinstven stav o tome da se formira odgovarajuće tijelo (odbor) čiji bi zadatak bio analiza prethodnih Čimburijada, odnosno prijedlog novog koncepta organizovanja budućih Čimburijada.*

*Nije postignuta saglasnost da se donese zaključak po prijedlogu da se ide u proceduru s izmjenom postojeće Odluke o komunalnom redu s čijom izmjenom su se navodno osigurale mogućnosti za organizaciju i drugih važnih događaja koji se dešavaju na području grada Zenice.*

*Također nije postignuta saglasnost da se formira radno tijelo za analizu dosadašnjih Čimburijada i izrade novog koncepta Čimburijade.*

*Što se tiče prijedloga da se Zenička Čimburija uvrsti na UNESCO-ovu listu, pojašnjeno je da se treba znati ko je nosilac događaja, ko aplicira imajući u vidu specifična pravila za predlaganje i uvrštavanje na listu.*

*Jedan od zaključka da neko od NVO aplicira na javni pozive planirane u mart-aprilu 2020. godine koje provodi Grad Zenica s ciljem da se izradi projekat organizovanja ili brendiranja Čimburijade.*

#### **Ad.4. - Fondacija Mozaik**

Amra je upoznala prisutne da je Grad Zenica potpisao sporazum s Fondacijom Mozaik, formiranjem zajedničkog fonda, koji ima cilj doprinijeti razvoju programa Omladinske banke Zenica uključujući podršku mikrobiznisima mladih, te razvoju društvenog preduzetništva mladih, investiranju u razvoj prototipa i pokretanja društvenih biznisa kroz Mozaik impakt inkubator u periodu 13.01.2020 – 31.12.2023. godina.

Grad Zenica će na godišnjem nivou obezbijediti sredstva od 12.000,00 KM, odnosno 48.000,00 KM za period 2020-2023. godine, dok će zajednički fond iznositi 108.000 KM.

Cilj je da se podstakne aktivizam mladih, da prepoznaju društvene probleme u svojim zajednicama i rješavaju ih kroz društvene projekte.

Neformalne grupe mogu ostvariti do 1.500,00 KM za svoje ideje, dok mikrobiznisi mogu dobiti do 2.000,00 KM iz zajedničkog fonda.

**Zaključak:** Informacija primljena k znanju.

#### **Ad.5. – Informacija o Poslovnoj zoni Zenica 1/Infrastrukturni projekti**

Amra je upoznala prisutne da se aktivnosti kod proširenja i ulaganja u Poslovnu zonu Zenica 1 nastavljaju i u 2020. godini, da će se raditi nove saobraćajnice i proširivanje komunalne infrastrukture. Također, kazala je da su u prodaji nove parcele, njih 7 i da će ostati još nekih cca 40.000 m<sup>2</sup> za prodaju.

Senad Pašalić naglašava da se mnoge stvari u Poslovnoj zoni Zenica 1 dovode na svoje mjesto, da se provode aktivnosti hortikulture, čišćenja zone, uvođenja reda oko samih posjednika parcela, također je pozvao sve privrednike da dođu obići zonu i da je promovišu što više kao primjer dobre prakse.

**Zaključak:** Informacija primljena k znanju.

#### **Ad.6. – Kreditna linija BBI banka 2019. Godina**

Prisutnima je prezentovana informacija da su u 2019. godini Grad Zenica i BBI Banka potpisali Ugovor o poslovnoj saradnji kojim je osigurano 10,2 mil KM novčanih sredstava privrednicima po subvencioniranoj kamatnoj stopi na period od 24 mjeseca.

Privrednici su mogli povući maksimalno 200.000,00 KM po ovom javnom pozivu na osnovu kojeg se realiziralo 53 finansiranja u ukupnom iznosu od 3,9 mil KM.

Kroz diskusiju o subvencioniranoj kamatnoj stopi, došlo se do zaključka da period finansiranja treba biti duži, minimalno pet (5) godina jer za mala i srednja preduzeća rok od dvije godine je prekratak kako bi se napravio određeni razvoj u poslovnim aktivnostima.

Amra je upoznala prisutne da bi u tom slučaju vjerovatno subvencionirana kamatna stopa bila veća u odnosu na subvencioniranu kamatnu stopu finansiranja na period od dvije(2) godine, što su prisutni podržali i kazali da im više odgovara duži period i sa kamatnom stopom od nekih 1 %.

**Zaključak:** Da će se u 2020. godini napraviti program subvencioniranja kamatne stope na period od pet (5) godina.

**Ad.7. Informacija o realizaciji podsticajnih mjera za unapređenje privrede za 2019. godinu na području Grada Zenica.**

Prisutni su upoznati da je programom mjera za 2019. godinu planirano 300.000,00 KM, te da su objavljena dva javna poziva.

Prema prvom javnom pozivu prijavljeno je 104 aplikanta, a odobreno je 69 korisnika, od toga 24 start up-a. Poziv je rezultirao sa 37 novootvorenih radnih mjesta.

Obzirom da nisu utrošena sva sredstva po prvom javnom pozivu, raspisan je drugi javni poziv s fokusom na start - upe imajući u vidu veliku zainteresovanost na koji se prijavio 51 aplikant, a odobreno 12 start up-a. Ovim javnim pozivom u samom startu rezultat je novih 11 radnih mjesta. Svi start up korisnici su obavezni održati svoju djelatnost minimalno godinu dana.

Ukupna realizacija sredstava po programu tj. oba javna poziva, iznosila je 98,92 %.

**Zaključak:** Informacija je primljena k zanju.

**Ad.8. i Ad.9. – Anketiranje start up firmi/Program mjera za 2020. godinu**

Za tačku 8. prisutni su informisani o kontroli koja se provela kod određenog broja korisnika podsticajnih sredstava, te da se trenutno provodi kontrola kod nekontrolisanih korisnika podsticaja. Prilikom kontrole utvrđuje se činjenično stanje, nabavljena oprema, provjerava da li se uredno plaćaju porezi i doprinosi za novozaposlene osobe.

Također, kod provođenja trenutne kontrole radi se na anketiranju start - up firmi koje su dobile podsticaje, kako bi se došlo do povratnih informacija o realizaciji podsticaja, mogućim preprekama u obavljanju djelatnosti imajući u vidu činjenicu da je formirana ZEUS zajednica koja ima za cilj mentorsko praćenje svih novoregistrovanih fizičkih i pravnih lica.

Tačka 9. Koja je u vezi s tačkom 8. odnosi se na Program mjera za 2020. godinu. Kao rezultat kontrole korisnika sredstava i anketiranja start up firmi, želi se dobiti bolji uvid u stanje na terenu kod korisnika sredstava, obavljanja njihove djelatnosti te prikupljanja informacija koje bi se mogle uvrstiti u Program mjera za 2020. godinu.

Zapisnik sačinio:  
Jusuf Brkić, dipl. oec

*Jusuf*

**Predsjedavajući Privrednog savjeta**



**Fuad Kasumović**